



DEO OPTIMO MAX.
UNI ET TRINO,
VIRGINI DEI - PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS
manè discutienda in Scholis Medicorum, die Jovis septimo,
mensis Februarii, anno Domini M. DCC. XLIII.

M. FRANCISCO - DAVID HERISSANT,
Doctore Medico, Præsede.

An secundinæ fatui pulmonum præsent officia?

I.



RÆCIPUÆ corporum mutationes in eorum divisione aut
junctione continentur. Utriusque beneficio animantia nutriuntur
simul & crescunt. Alimenta multifariam dividuntur atteruntur; ut
partes eorum excrementitiæ ab alibilibus secernantur & extricentur.
Hæ solidis partibus adherentes, eas nutriunt explicant & augent.

Illæ verò utpotè inutiles per varia emunctoria foràs eliminantur.
Causas harumce mutationum rimaris? Non aliæ sunt quam systole ac diastole
cordis & arteriarum, quarum ope chylus sanguinem subingressus subigitur con-
tunditur elaboratur, cum eo accuratè miscetur confunditur; ac tandem ipse planè

A

fit sanguis. Nullibi hic tritus ac mistio chyli cum sanguine felicius peragitur quam in pulmone. Hoc viscus alternis vicibus dilatatum & constrictum, sanguinis cursum maximè urget, accelerat, intimamque ejus partium miscelam promovet. Quod probat sanguis per venam pulmonarem redux colore vividiori atque floridiori perfusus, quam qui per arteriam pulmonarem ad pulmones appellit. Porro idem observatur in venâ umbilicali respectu arteriarum ejusdem nominis. Quis igitur hâc analogiâ ritè pensitatâ mirabilem quandam esse in secundinis & in pulmonibus officiorum similitudinem jam non subodoratur?

II.

PLA^CENTA orbicularis figuræ corpus, octo vel decem pollicibus latum, uno crassum pollice, ex innumeris vasis diversi generis & magnitudinis contextitur. Pars ejus convexa & spongiosa fondo uteri ut plurimum adhæret. Ex partis concavæ centro oritur funiculus duabus arteriis, unâ venâ, & vracho, invicem contortis constans, qui umbilicalis ideò dicitur quod umbilico infantis inferatur. Placenta sic adornata uti & membranæ ex eâ prodeuntes *Chorion* scilicet & *Amnion* foetum obvolventes communi secundinarum nomine donantur. Ne credas glandulis placentam esse annumerandam, tota est vasculosa, ut observavit. *Cl. Ruychius in Thesaur. Anat. V. fig. 1.* Rami arteriarum umbilicalium in ramos venæ umbilicalis faciscunt ac desinunt, itaut sanguis ex foetu usque ad secundinas circumvechus, totus per venam umbilicalem revehitur. Quod injectionibus evincitur. Liquores enim per arterias umbilicales protruli, toti per venam umbilicalem redeunt, nullaque eorum pars effluit, modò placenta fuerit integra nec disrupta. Eadem structura, mutatis mutandis, in pulmonibus observatur. Arteria pulmonaris ramusculi vasculis capillaribus venæ pulmonaris ita sunt continui, ut totus sanguis ex prioribus vasis in posteriora rectè deferatur. Et quod notatu dignum, omnis sanguis ex foetu propulsus placentam permeat, quemadmodum sanguis ex toto corporis habitu ad ventriculorum dextrum cordis remeans, totus ad pulmones peringit. Ex dictis 1^o. Analogia pulmones inter & placentam elucescit. 2^o. Experimentiâ suprâ allatâ liquet sanguinem ex foetu ad placentam appellentem uteri vasa non subire, perindeac sanguis vasa uteri pervadens ad foetum non fertur. Ne credas ergò foetum sanguine materno nutrirî. Hoc munus illi præstat succus nutritivus unâ cum sanguine materno per vasa uterina tempore graviditatis maximè ampliata, delatus.

III.

SUCCUS nutritivus sive chylosus matris, lac etiam uterinum dici possêt, quod sex poris & vasculis uteri effluens, à parte villosâ tenuissimâ membranâ *chorio* contiguâ absorbeatur recipiaturque. Quemadmodum chylus in intestinis confectus, subsidio partis villosæ intestinorum vasa lactea permeans, tandem sanguini miscetur. Breviori viâ lac uterinum cum sanguine placentam alluente mixtum, per venam umbilicalem in sinum venæ portæ hiantem defertur. Ex hâc venâ, per canalem venosum in Cavam illabitur, nec textum Hepatis perlustrat. Ex his duo dantur concludenda. 1^o. Quod succus nutritivus promptiùs sanguini in foetu affertur, quam chylus in lucem editis. 2^o. Quod succus ille maximè defœcatus & purus sit; siquidem nullas in Hepate nescit moras, nullumque in hoc viscere motum experitur circulatorium, quò biliosas ibi fordes deponat. Quid ita? Bile non indiget foetus, in quo organa chylicationi dicata feriantur; his adde quod ab humore bilioso intestina foetus perperam replerentur irritarenturque. Ideò bilis in foetu

non separatur utpotè inutilis. Hinc humor nutritius ad fœtum appellit, eo præsertim nomine ut vasa ejus teneriora atque delicatiora extendere queat: fœtus enim à suis primordiis usquequo ex utero excludatur mirum in modum augefcit. Quanta ductilitas in solidis, quanta tenuitas in fluidis requiruntur, ut hæc tanta accretio novem mensium spatio feliciter cedat! Ut ut sit fluxilis ac tenuis succus nutritius fœtui suppedtatus, novam patitur alaborationem vascula placentæ permeando. Hæc pars interatò ac validè à musculis abdominalibus & diaphragmate matris comprimitur; quò fit ut non solum sanguinis motus per ejus textum acceleretur, sed etiam succus nutritius illi affusus denuò conqnasletur atque commoliatur. Haud aliter chylo evenit, cum pulmonum substantiam unà cum sanguine permeat. Ergò pulmones & secundaræ humoribus chylosi pariter trudendis, dividendis, sanguinique assimilandis inserviunt.

IV.

COMPRESSIONES placentæ à musculis abdominis iteratis vicibus inductas maximo fœtus emolumento fieri in graviditate non inficiabitur qui attenderit quod his musculis debiliter sese contrahentibus, fœtus imbecillior evadat. Teste experientiâ quâ constat mulieres gravidas debito motu exercitas, vegetiores atque vivaciore infantes parere, quàm quæ vitam desidem atque otiosam degunt. In his respiratio multò debilior, debiles quoque muscutorum abdominis contractiones promovet. Secus res se habet in fœminis debite se se exercentibus. Tunc respiratio violentior magnis muscutorum abdominalium contractionibus ansam præbet, quibus succus nutritius ad placentam advehtus ritè subigitur. Quod suspicati sunt veteres, placentam, Hepar uterinum vocitantes; eo præsertim nomine quia sanguificationem potissimum in hac parte perfici arbitrabantur. Quæ mutatio succi nutritii in sanguinem, in placentâ peracta, à tritu atque motu istius liquoris pendet. Partes enim tum lactis uterini tum sanguinis infantis jugi motu percitæ ad alkalinam indolem vergunt divisione atque junctione partium tenuium sulphurearum atque terrestrium; itaut partes sulphuræ à salibus alkalinis expansæ, rubrum colorem adipiscantur; ut constat pluribus experimentis v. g. Decocto sulphuris tenuis in lixivio; Tincturâ ex sale Tartari ritè calcinato, ope spiritûs vini clicitâ; Oleis variis cum salibus alkalinarum indolis tractatis; quæ omnia perbellè rubescunt. His rationibus succus nutritius in placentâ colorem purpureum acquirit; sanguis per venam umbilicalem refluens floridiori coccineoque colore perfunditur (*ut ipsemet observavi.*) Non igitur immerito placenta organum præcipuum sanguificationis in fœtu audit; quæ mutatio à motu vividiori istorum liquorum simpliciter deducenda.

V.

CONTRACTIONES muscutorum abdominis materni potius fœtui nocere quàm prodesse ne dicas; ex eo quod à violentioribus hisce contractionibus abortus plerumque subsequatur. Quasi verò omnia quæ salubriora esse deprehenduntur, nisi strictis finibus contineantur, maximum damnum non inferrent. Semper hæc regula necessario observanda; *ne quid nimis*. Musculi abdominis debito modo se se contrahentes nutrimento atque conservationi fœtus maximè inserviunt. E contrâ eorundem muscutorum contractiones, plus quàm par est violentè, & abnormes abortui occasionem præbent, sanguinem ad uterum affatim impellendo. Alii forsân objiciant aliquam materiem actuosam atque tenuem ope respirationis sanguini materno misceri; quæ dein per vasa uterina ad fœtum allata, ejus sanguinis

4

confectrix est. Verùm superiùs notatum est sanguinem maternum ad substantiam placentæ non pertingere; his adde quod totum ferè respirationis negotium in accelerando motu sanguinis per substantiam pulmonum versetur. Rationi enim & experientiæ refragatur aliquid ex aëre inspirato massæ sanguineæ pulmones permeanti, affundi. Quid plura? Etiam si fœtus per os in utero nutritur; vel si succus nutritivus sivè lac uterium per proprios canales in funiculo umbilicali protensus ad fœtum appelleret; semper inconcussum remaneret nutrimentum sanguinis naturam adepturum fore, cum per arterias umbilicales advechus, placentæ substantiam permearet. Has autem duas hypothesen circa fœtus nutritionem merè commentitias esse extrà dubium positum est. Fœtus enim quidam *acephali*, alii ore impervio in lucem sunt editi, & illi ductus succiferi in fune umbilicali non deprehenduntur. Saniores conveniunt inter se authores succum nutritivum à matre suppeditatum placentam perfundere, cujus partis varios gyros atque ramificationes perlustrando, ibi multiplici mudo quassatur ac conteritur, donec naturam genuini sanguinis induat.

Ergò secundina Fœtui pulmonum præstant officia.]

DOMINI DOCTORES DISPUTATURI.

M. Urbanus de Vandenesse.

M. Andreas Cantwel, Regiæ Societatis Londinensis Socius.

M. Joannes Bessé.

M. Abrahamus Franciscus - Leo Col de Vilars.

M. Benjamin Ludovicus Lucas de Lawrembert.

M. Antonius de Jussieu, Regiæ Secretis, Regiæ Scientiarum Academiæ, Regiarumque Societatum Angliæ & Prussie Socius, Botanices in horto Regio Parisiensi Professor ac Demonstrator.

M. Theodorus Barro.

M. Leander Penget.

M. Joannes - Baptista Thomas Martineauq, omnium & singularum Artis partium Professor antiquus.

Proponebat Parisiis FRANCISCUS BIDAULT, Parisinus, Saluberrimæ Facultatis Medicinæ Parisiensis Baccalaureus, A. R. S. H. 1743. à sextâ ad meridiem.